

二知軒詩續鈔

二知軒詩續鈔卷十四

定遠方潛頤子箴

古今體詩一百又六首

壬申七月
至十二月

叔起仍疊前韻索和走筆奉畬兼柬慰農

和韻害人詩滄浪乃偏見果然脫窠臼翻新豈生厭一

破卅年例

君來書云

長哦心忡忡抽簪事高尙戶外青山賤

獨於翰墨場橫行無所繼招予離塵俗將詩作攻砭鼓
勇再接厲揮毫幾曾倦白門兩騷客殷殷起遐念

斯民悅教化紛如蟻赴羶曩聞歌頌聲洋溢西湖邊勸
農固旣擊訓士彌勤拳重任足擔荷遠爾甘息肩談經

坐羣比意態真雄妍昨者講院過春花開滿前粉榆有

嘉會期君渡江先

揚州新建吾院會館將落成擬於八月舉行團拜

韓子胎我

書挑戰磨於旃

貌躬抱詩癖垂老仍勿休淮東壯觀復山川鬱相繆廣

陵豐樂區

蜀

冒暑時出游薛侯興頗豪日泛青溪秋韓

子更曠達讀書寬百憂相避到蜀岡襖仿南城脩

實谷有秋

襖題襟倍光寵木李瓊瑰酬毋爲外人道氣味吾儕投

平山堂雜詩次研山韻

北郭登舟櫂向西何時十里柳陰齊

擬於湖岸種柳

湖山滿眼

皆詩境歸去挑燈寫赫蹏

爛漫依然錦繡場
明年花艷落春堂
乞君先爲圖秋禊
來醉茱萸九日觴

功德林中香火衆
懽呼白叟與黃童
定須再建司徒廟
莫使三峰一角空

端賴牢盆百堵興
敢云風雅繼廬陵
名區萬古留真賞
太守文章 帝所稱

聖祖仁皇帝御題有
文章太守心偏憶之句

一編盡勸費尋思
爭倚紅橋唱竹枝
掃盡檉蕪壇坫復
乾嘉而後盛於斯

但有棲靈足問禪
追蹤慶厯八年前
智僧行脚殊多事
兩井終推塔院泉

治春詩社湖東補

社本在湖西

未暇風亭月觀修安得青溪

放船至涼蓬雙槳盪中流

蟬琴兩岸韻悠揚驚起芙蓉驥馬妝誰料聽機樓圮後

芍田多半種官桑

絕少花山澗口漁縱橫拳石九峰餘方壺雖小渾如畫

我愛徐家水竹居

天然好景付荆關鉛葉勞勞可得閒

君現在府志局

往日圖經

嫌太略不曾寫出隔江山

曉起課園丁二首

清晏堂在南題襟館在北巾幗絕空曠花木去年植坐

隱寶米齋不到動旬日今晨興頗豪迤邐看秋色梧桐
陰最濃作樹亦茂密獨怪芍藥萎灌溉汝不力雞冠雁
來紅強半遭蠹蝕丹頂鸞未舒還童詫難必茶肆耽水
滯終朝結伴出偷閑更圍棋倏忽已曛黑素餐我同媿
抱甕汝失職

後園瓦礫場種竹原不宜猶記己巳秋帶土連根移弗
及見新筍于役天南陲侵尋返邗上下帷不忍窺竟無
一竿活青士誰厄之去年汝重種屬汝勤護持如何過
兩春依舊行鞭遲顛蕪節則枯對竹長吁嘻欣欣衆向
榮此君顧獨羸汝日居園中汝竟忘所司亟須事培養

以雷塘泥或者報平安問汝知不知

姪臻杰孫燕昭同舉選拔最之以詩

書判拔萃科肇自宋天聖余靖尹洙兩名臣皆由是途

進飛翔入霄漢雲路發初軼猶子吾所愛穎敏記鄙讎

前年偕阿耀泮宮子矜詠去年試高等廩餼食何進今

年更觸熱六月同返郡不圖膺上選賓朋走相慶秋窻

間捷音憂樂寸衷并樂哉吾季父看汝揮筆陣亢宗既

有人吾欲理歸榜轉念殊可憂吾斯未能信學殖本不

克敢云名實稱問歲甫弱冠獵取訝非分先人積累厚

九葉故繁盛脫令逆驕滿涅緇磨且磷倖獲時悚惶謙

退畏嘲評埋頭再讀書志趣要堅定淬厲千莫銳切磋
壁圭瑩貢諛世爭尚玩愒士通病叔姪互勸勉勿負短
燈檠大成日跂望終身守吾訓

禽叔起三疊前韻并懷慰農

睽違百餘日相思罕能見詩筒遠寄將與到輒忘厭凍
雨殘暑消捧函倍忻忭瓊瑤品無上氣骨邁凡賤都從
肺腑出勤勤復繼繼藐躬抱痼疾難以藥石砭萬事皆
疏慵擗管偏弗倦幽蘭芬襲予獨坐澹塵念

酸醜水殊好可奈羣逐羶倘教泥門徑奚由澈中邊鍾
阜視蜀岡磊砢才一拳如何不自量顧乃希併肩醜枝

尚著花木癭亦取妍我方曳兵走君則鼓而前弟子誰
敢嘲便腹過孝先緹繒質燕石鄧璞云類旃

我我桑根山有客歸憩休

謂憩農

石室永不壞匪等繩樞

繆還鄉御欸段幾時從少游廣陵水陸衝匏繫俄四秋
願師仲長統隨地堪埋憂醉翁亭築未欲往道阻修明
知工拙懸深理豈易酬清言屏塗澤儼然膠漆投

八月十三日竹庵招同史偉堂李叔彥薛世香

書常

徐仁山四觀察吳朝傑

家榜

總戎游焦山登吸

江樓別峯庵過枕江閣小憩夜宿自然庵次日

爲叔彥生日同人壽叔彥叔彥復觴客於觀瀾

閣下乘月返揚州

闌黎笑我塵中忙足跡罕到三詔坊閏冬一別至今日

東游鼓興逢雲將

乘白雲輪
船渡江

水程迂迴七十里掀濤破

浪雙輪駛萬綠點染秋態濃如此江山畫圖裏

鶴山僧
出觀湯

貞愍焦
山圖卷

史侯健者年最高

倅堂年
六十一

徐子身輕若猿獠

戲謂

仁盤旋倏已達巔頂將軍斷後雄吾曹

謂朝
傑

二客蹢跚

強追逐使君皤腹

謂叔
彥

蒙病足振衣那甘半途止拓開

眼界快瞻矚曇光湧現補落迦

樓上供
四面佛

螺髻披拂綴碎

霞天矯出羣鳴脚樹縈紆絕艷龍爪花南峙象山北鷹

鳥浮玉西偏樓觀好是時天慙靜無風東注海門流灝

灝一峰側轉又一峰別尋去路非來蹤履險乃覺轉遜

屐扶危端應僕當筇嗟余屢爽詩僧約

謂芥航

契濶經年

再登閣雕鐫惡札增媿赧

前年所作遊山二詩已爲上石

避俗終須住

幽室轟喧酒陣毋戰酣林梢澗漾金波涵主人留賓買

餘勇夜闌僊舞俄趨趨

竹庵復借世香登吸江樓看月

詰朝更舉香山

會鐵甕城邊下旌旒

恒都統惠純參戎報次日繼主賓凡九人

明年三壽

還作朋

明年叔彥竹庵告五十年朝傑四十

重過祇園聽梵貝曩者兩歇

催放船

謂庚戌之遊

中宵擊楫心夷然光陰彈指廿餘載京

口趁潮人未眠迅矣不帆兼不槳汪洋忽動乘槎想絳

河咫尺行可至嵯峩宮闕清虛榜勝游常願群公陪霜

天飽看紅葉來

朝傑約九月看紅葉

回首焦巖却惆悵不曾踏月

大觀亭

題玉谿畫

此老胸中有邱壑故能炳燭惜餘光

自題燭下作

淋漓滿紙

皆生氣顛米誰云急就章

爲人題海上夢護圖

有父嗟無母長爲失恃人
劬勞思樹背寤寐儼通神之
子可云孝繫余痛鮮民麻衣曾度嶺
覩此淚沾巾

題玉谿五湖漁隱圖

青女來助秋山妝
楓葉爛如雲錦張
湖心撒網喜欲狂

烟水蒼茫塵外境終老是鄉家舴艋不比波濤泛萍梗
賣魚沽酒醉朝昏白鷗浩蕩無籠樊箇中絕勝桃花源
又題玉谿雨山立軸
模糊轉分明運腕大潑墨師古不泥古噴薄出胸臆滿
紙堆濕雲橫絕顛老筆

喜韓叔起至招同鄭芝巖嵩齡太史史偉堂戴友

梅肇辰兩觀察游蜀岡用昌黎八月十五夜贈

張功曹韻別後却寄

有客放櫂秦淮河直下天塹凌滄波瓜洲渡口轉向北
快作雲棧雙峰歌吳穹獨閔田家苦入夜瀟瀟灑甘雨

白塔滉漾晨曦高徐吹爽籟風不號羨君抽簪老鉛槧
雖居學舍塵網逃瓊瑤脫我耐咀嚼芬馨四溢無羶腴
歐蘇往矣緬遺躅猶幸烽火餘林臯自從寄跡長千里
手不停披蠹魚死翩然炎嶠先後還

調偉堂友梅

歸省暫辭

鷓鴣班

謂芝巖

忘形竟欲友麋鹿掉頭怕看爭觸蠻芒鞋

竹杖事幽討安能插足紅塵間隔江山色總無恙金焦
勝境窮躋攀虹橋未許泛月歌湖水已涸難盈科秋桑
影裡游蹤多醉拍銅斗終輸佗會合非偶君謂何

舟中雜詠

一夜瀟瀟雨朝暎爽氣激波光孤塔閃風力半篷勝竟

作龍龜穴堪憂棟宇岫

六濠口江所陷及墜棧

變江近疏導舊貫且

因仍

水鄉秋爛漫不覺倦眸開白雪蓬農糝黃雲穉稔堆橋

從揚子過舟向石人

地名石人頭

來銀杏張如蓋知非劫後

栽

二鼓方投宿疏星綴碧空前村遙吠犬荒壟暗吟蟲未

可長膠柱先求足纜賊怪他潮落盡卧虎

名

向稱雄

侵曉沙河發言聳番築基儘容穿鴈

屯船之所曰鳴

廣弗患出

江遲東港

名黃泥

猶嫌隘南洲

名禮祀

卻有涯海陵屯最便

禹筭慎吾司

歸舟感興

故人旌節北來遲，正擬平山奉酒卮。底事蠻江遠行役，

緣慳一百倍相思。

聞李子和制軍今日已過揚州

夕陽西下艣聲遠，勞爾艣郎夜未閒。纔喜乘潮風又逆，浮生何處不三灣。

初冬雜詠

杪秋無一詩，飽聽絲竹肉。人海本如戲，萬變駭心目。

榆有嘉會新，築邗上屋。

吾皖會館落成

隔江鞠部招，晝短夜恒

卜。自從壺園荒韻事，人不續潤州。遽豪奢子弟來滬濱，俗耳喜曼聲。吞吐厭法曲，遂令燕趙兒登場。衆皆矚京

師老伶工揣摩世情熟居然成絕調壓倒爭與筑

鏝綱昔盛時連雲甲第排沿湖拓池館嵌空構層厓喧

闐滿街衢歌舞小秦淮華堂合抱相曲徑門廊謬云何

諸寓公鄉誼了不知百年委榛棘蠻觸兩角蝸使相今

爲倡

謂合肥相國

大力能扶衰南陵徐觀察

謂仁山

勾工亟脩

治乃得洪氏未丹塗塗牖之三載願始償經營枋宏規

重陽後四日王子

謙齋

權舟至肥濱慶有秋相思遠行邁

桃燈索詩卷撫掌劇稱快繫予出西郭

十六十七日兩赴養志園

君

往香阜寺管絃足娛賓因之罷槃敦驩然其舉杯忽忽

月將墜聚首甫匝旬帆向白門挂度君安宜旋還謀菽

鴈醉蜀固壁壘固虛戰勇勿懈豈期遠言別冒寒返鹿

柴

謙濟聞其母夫
人病匆匆卽行

陸行計已決那圖駕橫雲

輪船名

逆流拖兩舟無風亦磅

礮千檣越斯須鼓盪中藏輪攝山冠羣峰江波助擘响

若非七里洲渺不見邊垠嵯峩落星岡惆悵難重登昨

宵約薛侯

謂世香

解纜休逡巡彼舟抑何速竟爾追電奔

誠哉上水迂漫詡機器靈六時二百里過江天色曛

目前圖苟安不暇計久遠唇亡則齒寒卽此可隅反六

濠旣崩陷七濠詎能免往者瓜洲城禦溜勝隄堰迴湍

撼脾睨北趨失關鍵金山走馬到水性就坎窞壁立除

是磯彌望盡平衍頽垣尙踞坐岷岷護其短真州復故

道永避風浪險錨地

方

言無逾茲上書乞移棧

江干小勾留城中日酣飲瞻園又適園雄談雜嘲駭兩

過遜志齋說詩定標準飛霞閣高朗

叔起在

吟興不得

騁爛雲故幽曠

謂慰

青山屋後枕因病負遊約安閒讓

公等終當借羊何囊笠辭簿領吁嗟困冠蓋弗克塵事

屏支筇看紅葉所願不敢請

朝傑有約

遙睇焦隱庵歸

途意愼惺

詩朋爲我來

謂晉

值我渡江去我回揚子津君仍秣陵

住黃花正爛漫把盞借覓句腳踏輒相左或者且暮遇

鷺州客

謂鏡如

奚適和章悃忱布憐才希古賢杜厦裘白

傅卻愁綿力薄菰蘆半寒素瓊瑤瀾瓦礫虛聲轉貽誤
平生恥貢諛肝膽豁呈露慎持方寸間榮名以爲懼

題海雲僧種瓜圖

楚人竄梁人劬閩黎學梁學楚乎托鉢權作抱甕徒綠
天之下纍纍如琳宮榛莽賸一區種蕉而外地有餘解
煩療飢過伊蒲旣操不律又牽輓轆怪底爛向蓮臺跌
僧曰四禪難縛吾

題玉谿雲山圖

運墨極靈活布景絕蒼莽披君雲山圖動我出塵想

題玉谿扁舟五湖圖卽次自題韻

層嵐倒影入平湖煙樹迷漫縱所如元氣淋漓驅挽底
畫工奪得化工無

爲真脩僧題雪齋竹嶼吟秋圖

乾嘉諸老擅風流

卷中多名
賢題詠

開士工詩

謂雪齋

與唱酬萬

箇琅玕空翠裏雙峰匝大江頭焦巖自昔伽藍盛謝
壑於今畫卷留莫訝東坡專詠竹蕭森煙靄最宜秋

芳宇自京師還湖南將至揚州用予集中偕英式

梁太守謁貞應祠韻代柬既至招飲寶米齋次

韻錄別

春明舊雨樂追尋歸權韓江別緒侵十里平山勞夢愁

以天寒未得游蜀岡

一樽殘菊澹詩心何年共踏長安市此去相

思楚水陰接武高梁楊太守筆鋒銛絕足鉤沈

芳宇疊前韻見謝予亦走筆會之

金題玉躑一披尋鼓勇俄將筆陣侵命中依然射雕手

忘機無復捕蟬心渴來松補雙峰翠又見桑添十畝陰

湖上設謀桑局

秋禊圖成還索句

現覓名手作蜀岡秋禊圖

雅懷寫爲簿書

沈

三疊前韻報芳宇

蓬窗詩境細研尋呵凍江頭返照侵雋永不除蔬筍氣

脩閒都抱薜蘿心二分月色留邗水六一風流抗汝陰
吾輩嘯歌殊自得眼前魚鳥任飛沈

臂痛旬日自嘲四疊前韻盼芳宇

身世奚容枉尺尋驟寒午夜賊風侵聳肩難運空靈腕
喪手甘存退縮心謾道屈伸堅定力須防偃蹇癩疑陰
明年便擬支筇去巖壑幽棲聽陸沈

宿六濠口有感

前楹面二山登樓恣眺覽邇來闕無人誰不虞崑崙經
營曾幾時已有盛衰感羣情圖苟安附和吾曷敢歆枕
心怍怍蛟蠃夢中撼

途中四絕句

嵯峨浮玉新樓觀，
雨張帆未得登東望。
焦巖倍惆悵，
飽看紅葉護山僧。

昨夜瓊巖釀出無邊空，
雲氣總模糊。
亂鴉啼過，
條成陣，
點綴荒村如畫圖。

四更聞說已開頭，
共駕乘風破浪舟。
世香仁山乘江船至白下
我愛

龍潭山色好不辭，
犖確爲探幽。

斜陽向晚豁沈冥，
到眼榮枯判蠢靈。
剝復果然難一例，
蘆花頭白麥苗青。

爲謝伯醕姑丈寶仁題錢忠懿王金蓬塔拓本

八萬四千僅存一壽量寺僧不知寶法書定武蘭亭名畫

道見册中山陰陳易得之廣寧默齋跋歲在乙卯宏淑造王漁朱泚

未見譎武肅文璞有歌弗深考盤陀居士貢 大內維

阿育王敬祈禱普光明智三毒熏我佛變成煩惱身飼

鷹救鶴各殊相慈山妙諦空聲聞誰其記者黃左君當

時年已逾八旬鰥生何幸睹遺墨惜未頂禮珠江濱嶺南

光孝寺有南越王金塗塔

為伯醕姑丈題永觀院紀游補圖

曩讀壹齋集神往于湖限今觀石菴名安鼎黃畫恨未

前賢陪東山緬高躅春暮陳尊魯同游十一人歌詠皆

雅才劫餘片紙存

馬君雪
榜序

黯然先澤思丹青補游蹟繩

武公望追思爲圖蜀岡雲棧雙峯鬼

偕世香仁山謁曾文正公祠遂招少仲鶴亭過慰

農惜陰書院小酌

廣陵遲春揭

淮南公請建
祠尙未鳩工

白下已崇闕梵宇琳宮拓

祠爲

四松庵
舊址

雲車風馬迎勤王忠卽孝抗節弟隨兄

曾靖毅
祠在城

南

仰止清涼麓平原足抗衡

地與魯公
祠相近

先生無所事睡到日高春

戲謂
慰農

一吐昂藏氣全消塊磊

胸塵中偕癡蓋山下獨攜筇有客江頭去挂帆歸思濃

少仲先

返大通

剛已屬題兩畫卷

李晞古田家嫁娶圖

朱柳塘卧游續錄云元人田家娶婦圖長三尺高七寸細絹本後有程篁墩詩跋圖尾李晞古款乃妄人所補賀晉人隆錫以爲卽此卷因補書篁墩詩於後鈕非石樹玉則云細審其筆意絹質似出宋人無疑

新婦騎牛郎策蹇郎在婦前屢回阿翁拄杖母肩蓋村童擔囊雙足跣迎者送者塞道途相逢下拜馬勿驅一人捧盃一提壺一人馱嬰一後扶兩人耳語胡爲乎

鞠躬勸酒神則愉樹陰逢逢擊大鼓吹竹鳴金中律呂
倚籬環觀婦將主持版回頭導兒舞圖凡三十有四人
衣冠簡樸追宋陳絕無怨曠太平世熙熙其樂春臺春
婚鄉獲此琳瑯珍此卷爲君之外舅所賦士夫媿不如農民禮失
求野吾亦云倡隨古風猶未泯

崔子西花竹鷓鴣

子西在北宋濠梁推巨擘寫生妙入神了不用界尺垂
拱殿前應詔時曰艾宣丁聰葛守昌難匹之敗荷鳧雁
得名久更貌白唐竹徑嬉碧琅玕外花枝亞孰是蛙變
孰鼠化一鷓張喙池遷行一鷓拘頸鳴未罷一鷓啄果

翅蓬鬆下假一鵝意態慵堪笑勇健遭樊籠終朝出入
懷衷中吾鄉畫手厥爲最寒窗展玩弗思睡清容曾索
康里題尤愛龍蛇數行字

贈胡月樵鳳丹觀察

握槩懷鉛仕亦儒

君掌湖北書局

熱腸強項近今無豁開障翳

提心印屏棄腥羶味道腴

君好佛不食魚蟹鷄鴨諸肉

深悔春明交

臂失肯令白下賓音孤迢迢預約詩筒遞恨不題襟漢
上俱

月樵兩處謁曾祠韻見贈次韻酬之卽以送別

坦夷無畛域城府闕深閑宦海浮蹤聚禪闕倒屣迎

予寓

甘露庵
律身由準氏緘口孔方兄中道從容甚參前或倚
衡

不使秕糠雜禾堂入夜春珠璣紛落紙星斗燦羅胸何
日遂初服相將曳短筇請看崖頂柏霜翠十分濃

勁敵師真銳才堪匹渙闕如環能運轉若鏡不將迎此
日成詩侶當年識駕兒艱難天下事扼腕其肝衡

番舶雙輪駛君將乘輪船返鄂洪濤那畏春雄談方抵掌離緒

又繫胸保障湖邊權晴川閣畔筇吾儕豪興發端比宦
情濃

賀孫琴西衣言同年擢任安徽提刑四疊前韻

文章蘊經濟外肆亦中闕威更蒲鞭肅歡同竹馬迎植
禾壽厥蓼去弟長其兄八皖俄開府 朝廷倚鑑衡

亂後宜蒐討

辛巳受眷乞君編輯

逢壺曾著籍雲夢

况吞胸爭擊催詩鉢偕托步月筇大觀亭上客酣醉正

春濃

月樵過訪云借慰農飲於藥倦齋戲爲五疊前韻

滕六何方去思詢洛下

時方望雪

風驅游客散

君昨游莫愁湖大風

中寒不終席卽返

花向酒人迎清以蘭爲友澹將梅作兄故應

揩老眼月旦與權衡

石醋拚爭護裴航杵未存夢回香裊裏愁破酒澆胸九

轉終開鼎三枝任化筇低徊雲意爛彈地柳烟濃

苦珠茶

出武夷山每觔
索價銀十六兩

價過龍團餅珍逾雀舌尖主人真好客活火爲頻添
潮州工夫茶甘香不如是君山猶遜之陽羨差可比

短歌行贈王曉蓮

大經
觀察

目光炯炯霜雪髯待人何厚持已廉端凝風度神安恬
宣勤轉漕 御屏記使相服君導河議 恩渥 九重
遷不次諸路模範尊鮮于安能返權鴛鴦湖請君勿思
張翰鱸多情三招適園飲脫畧形骸疎野甚既酣米汁
傾墨潘朱餘備位年復年迂迴猶如水上船堅牢把舵

心夷然差信半生知止足覆手無言看棋局明歲草堂
營大蜀君爲薛侯作長歌題慰農百錢掛杖圖豪氣欲斫千蛟鼉
曳兵而走避伏波願執牛耳罷征戰狎主齊盟詰朝見
旁若無人上壇坫

琴西招飲復園卽席賦呈

君將去朝天我輩須作餞顧乃賓奪主連朝舉觴醺園
中衆卉枯森然唯竹箭貞筠貫四時肯爲雪霜變名復
義可思亂後甫葺繕亭榭待題額破凍且呵硯君書得
柳骨揮豪日弗倦示我五言詩贈月樵二律浣花今再見清
高邁塵俗終當返禁院三天必重到願盼膺 渥眷慙

予五月長材短猶鞵線外臺久浮沈蓬山夢魂戀庖丁
解君意腥羶屏勿薦固知澹泊甘矣難咄嗟辨明春到
揚州招君陟雲棧蜀岡有雙峯雲棧還過寶米齋琳瑯請觀徧
惜哉武昌客謂月樵遥遥隔天塹

李次寶

柴

觀察屬題尊甫脩齋

德林

丈琴鶴圖

泠泠松風曲揮絃皆雅音軒軒凌霄姿刷羽超凡禽斯
人伍清獻仰止高山岑傳家作治譜錦賸勝籛金使者
下車日愠解鳩茲民厥聲聞於天有子和在陰白門喜
解后先哲遺範欽專壹若竽瑟甕甒慙不倫官令幾下
佳欲往青田尋

題袁篤臣

保慶

觀察補過圖

袁子本無過欲然不自足大道彌缺陷嚮往免迷復毋
怙亦毋文懲忿兼窒慾能悔漸能寡戒欺彌慎獨拂塵
顯明鏡磨玷成美玉心清在壺水躬直從繩木息慍
範圍事事就邊幅舉步皆坦蕩邁征奚踏蹶不則蹈危
險我馬顛且覆方虞止半途遑敢幾一蹴畫家假借法
善譬作忠告過橋卽亨衢勉哉着鞭速

冬至日偕小軒世香竹庵楊子穆

鍾琛

黃幼農

祖

過明陵歸飲半山寺

竟與鍾離故國同神垵寥落寶城空驚心豕突狼奔後

極目荒烟蔓草中，器屏金銀躬示儉。
天題唐宋治尤

降

純皇帝御碑在陵前

顧圖今日歸何處

亭林有孝陵圖

山作龍蟠氣

不雄

當年捨宅爲爭墩，寺外還須築短垣。
葭瑄陽生交振轡

豆腐游倦促開樽，歌殘棋罷渾無賴。
謝去王來且莫論

吏約春融過燕雀

湖名

青溪九曲要尋源

題篤臣洗心圖

靈臺皎皎不受汙，被濯盪滌冰在壺。
蒙泉有源日灌輸

澡身浴德斯爲儒，習染盡去障翳無。
空明活潑聖教濡

方寸之地難狀摹，丹青妙腕參浮屠。
斷章取義蓮花如

舉擷芬馨出泥淤象此課心懸座隅退藏於密曾何殊
天君泰然還故吾

觀機器

人巧奪天工奇哉仗祝融挽推勞轉逸鼓盪塞皆通漫
謂樞機運能毋理數窮不言唯抱蜀西法敢稱雄

下關飲子穆舟中

忽爾搏沙聚人皆不速來送行翻作客

何筱宋制軍返粵因候輪船未

至江長夜且銜杯豈有形骸隔相將懷抱開高歌逞豪

興風浪任喧豔

十二月初五日大風雨向晚始雪幼農招集水榭

話別

頭九已無雪，二九復過半。吾輩手版持，重裘輒下汗。老
農閔麥枯，曷免負暄歎。陰陽怒相搏，箕伯抑何悍。雲幕
天瓢翻，倒向青溪灌。竭蹶參牙歸，招邀朋盍攢。未昏便
乘燭，沈冥水窓暗。丐予品書畫，勿使真履亂。斗覺寒氣
侵，狂喜六出燦。春明舊酒人，謂少仲夜遊每達旦。鴉爐

風雪天，轟飲爵無算。紛紛轉外臺，靡俗自羈絆。吳趨又

遊征

少仲時
權舉家

聚首一夕暫，預訂隔年約。檣舟韓江岸，鶴亭

與君明春首，
將入都引

見蜀岡共提壺，彈指節物換。飛花甫成陣

猛颯訝吹散

次日冒雪抵東陽鎮宿懸真觀

茫茫一片白無際山是瑤堆田玉砌茅檐冰箸垂尺餘
日輪偶出雲旋翳輿夫趑趄足不前殘冬行役遭連邇
老僧聞說入城去經魚罷敲誰坐禪

山行口占

纔覩天公玉戲忙又教鞭日上扶桑稚松雪後翠逾活
髡柳風來舞欲狂未若溫暾過水驛世香少仲先期江行不辭粟
烈走山鄉眼中突兀江天寺待趁春潮再舉觴

臘八日途中作

碧空一輪紅日昇空江有如釜上蒸吟興甚豪不能遏

難狀之景得未曾凌晨遡向京口發順風幾欲焦巖登
瓜洲小憩復遵陸艮哉阻舟候打水

寶米齋雪霽消寒聯句

三九見二白

齊學裘
玉谿

天花喜兆豐頭番行役壯

方濟顯
子箴

初六日冒雪
抵東陽鎮

心賞故人同晴逗梅消息

管樂
才叔

寒資酒化

工尖又援舊例

許奉恩
叔平

拈韻各爭雄

湯世厚
敦之

昨覽蜀岡勝

敦

十五日同
人游平山堂

江天眼界開雲驅千嶂出

玉風送片帆來惜我空齋坐

箴

看君疊騎回何當借蠟

屐才長嘯陟崔嵬

叔

歸思濃於酒

叔
才叔

扳留夜未央迷漫衆香國

敦
中唐花齋

正約畧小謨觴

新刊見開隨筆成

白戰堅攻壘

玉

黃封醉有鄉

種爐聊作餞

京口渡蒼茫

揪笛前塵遠

才 嘗騰把盞歡豪情催刻燭

叔

小勇怯登

壇竽瑟難成調

敦

桐焦尚可彈知音吾輩在

玉

促膝到

更闌

箴

老顛胡不速

箴

小集亦因緣滿壁皆詩境

才

齋中懸

妙虛空入畫禪

自憐寒起粟

叔

共仰筆如椽賦雪郇枚

伍敦

篇成一粲然

玉

玉谿返寓復作長歌索和依韻答之

老顛七十意氣豪批卻導窾駘奏刀忽思廣陵看芍藥

挂帆黃浦浮春潮遊山兩什先畀我入口雋味如江瑶

接羅谷帙助編纂

夢園書畫錄將成

公餘頻番置酒招王蒙畫

册世希有故人雅誼雲天高

君以家藏黃鶴山樵山水册見貽

蜀岡新

秋起樓觀擎舟徑渡蓮花橋雙峰絕頂一凭眺天然爽

籟鳴風簫匪唯怡情並適性固已洗髓兼伐毛貼危竟

免塵劫墮卓立勿使心旌搖豔禪園成俗子詫豈知丹

鼎長年燒陽羨未還寶襪室客邸又覩珠璣飄騁妍抽

秘繼司馬及時行樂歌董逃兒童窗外戲搏雪數典合

云師子超姑射山人暗相笑停杯不語借推敲冒寒昨

者去鍾阜猛飈怒吼銀龍驕乞靈山君壯詩骨

予以臂痛未愈

日酌虎骨酒

奮欲掉臂奴命騷歸坐空齋寂寥甚繙弔神王

支諾皋

謂若所著見聞隨筆

開軒正宜鶴氅被登壇各把螯弧操

昌黎差可角東野道明久矣交雍陶況逢佳釀浙西至

青於竹葉壺中醪

萬麓軒方伯餽酒四魁名竹葉青

折簡無煩條簪盞

快炙冰硯呵凍毫幽香一縷裊庭院碎玉低綴黃梅梢

題襟客夏吟社闕彈丸脫手爭傳鈔霧豬泉韻八九疊

寂難斧鑿痕全銷今冬劇喜見三白輕瓊冷絮迷畫簷

狂吟不倦讓詩叟墨池騰躍千丈蛟亟呼滕六與磨戰

秣馬厲兵期詰朝

長江詩筒第一集次月樵韻

紅爐正然鴨脚焦，消寒排日良朋邀。邗江大雪逞吟興，

詞源汨汨如奔潮。

予甫和玉谿長歌

東南壇坫容吾廁，鄂渚飛

來錦箋字。三朝番舶抵瓜洲，欲向長房誇縮地。紛紛蟻

蠟浮世遊，蕭然物表胡康侯。雖居外臺抱詩癖，郢曲遠

索巴人酬盈箱充筒，非常錫

君寄新刊書籍二十八種

自媿叢殘難

與敵。此時宇宙堆瓊瑤，安得從君躋赤壁。關河間阻天

一方晉騰且入無功鄉，烟雲噴薄出胸臆。底須門逕區

宋唐亟思卧遊學，宗炳東郭衝寒別行省。

予於月之初六日始自金陵返

揚州阿婆獨羨薛陶臣

謂慰農

坐擁皐比拋簿領，看風走

馬朝天時孫固明敏真足奇

謂琴西

要憑歌詠合蛩蹙氣

東聲應無時離他年還作林泉友放浪江湖一杯酒漫
云異域判荆揚記否同攀白門柳

爲楊叢亭溥大令題畫

天然吟艷綻離根露打霜欺不上盆拗折瞻瓶無此韻
斷除茶癖養花魂

仿占交推時大春蒲搥茄袋更翻新山家足傲袁宏道

金屋於今妙絕倫

瓶史以瓶爲
花之金屋

新得王叔明秋山蕭寺圖喜而有作

前年廣州度炎夏首獲長林語古圖空堂颯颯有秋意
贊賞幸遇馮松湖

展雲
別號

自云得一願已足豈料瓌寶均

屬吾巨幘携來更雄偉蒼崖飛落千璣珠署曰觀瀑巖

壑滿紙墨甚舊精神殊瑩門勅我弄行篋虹月夜貫天

南陽齊家秘冊勞夢想

謂玉谿所藏
山樵大冊

滬濱焉能更奪與

干戈叢裏負之出愛不忍釋球琳如白頭情重忽過訪

舉以見界非求沽今夏甫收子久畫

雙拼兩幅一為張
廣德所藏一為惲

南田所藏
均有題識

延平劍合誰曰誣紛紛贗本可拋棄

去年得
子久二

幅皆
偽作納涼把盞借歡呼那知玉蘭館內物又歸寶米齋

中儲厲園主人符

謂伯

絕書古一月弗舍留待予

此幅在
伯符齋

中一月適予
有白門之役

寬尺四寸徑四尺巔頂嶮嶮何缺軀右方

梵宇聳樓閣其下水榭臨澗瀆石橋荷擔行不丁看簾

盈榼釀在壺山前山後盡紅葉二客不醉胡爲乎參天
松柏閒楓櫛明霞翠靄相縈紆無上妙品此稱最物聚
所好洵有諸欸題惟允亦畫手張弓彈粉勝筆塗消寒
卻憶岱宗景座間四老同軒渠謂錢楞仙前輩彤甫
頌臣雨中丞暨伯符
翁之富孰堪伍挂壁璀璨珊瑚株

祀竈日偶成

夢華錄云廿四夜石湖樂府期從同於今例改前一日
新安人家有古風吾鄉沿徽俗仍
於廿四夜祀竈司命朝天白太歲村

村戶勸之醉弗用糟塗薦錫飴神兮懼爲口腹累君
不見祀黃羊陰子方厥後暴富子孫繁昌少牢之享詎

一
牙
車
言
錄
金
卷
十
四
五
五
駝

詩癖任人嘲，邗江久繫匏。未能隨俯仰，還與細推敲。打
劫成棋局，更刀等族庖。良朋煩問訊，肥上正編茅。

吳子敬

啓

年丈見贈二絕次韻奉呈

屢叨金薤琳瑯賜，報德無由正負慙。親授神仙起居法，
飛雲天半逐盧耽。

婆娑底用孫扶舞，面似桃花長壽毫。預祝期頤鴻棧舉，
老人不減少年豪。

二十五日爲玉谿七十壽辰，往天甯寺祝之。玉谿
已赴養志園，卽疊前韻奉頌。

報道先生出西郭未能鞠脛我懷慙堦鄉饒有山林趣
踏雪尋梅性所耽

曩賦長歌祝詩叟琳宮歸去又抽毫不生不滅真無量
四大皆空藐二豪

爲蔣犀林

一桂

大令題菊影圖冊

劇憐三徑長蓬蒿風雅堪追五柳陶老圃秋容如許澹
東籬詩興至今豪頗思茅屋張燈樂每到霜天荷甬勞
四十年來成幻相寒窗惆悵一揮毫

爲劉慈民

屏

舍人書扇卽次凌筱南

煥

表弟題雲

龍山圖韻

有亭放鶴泉飲鶴當日巖阿隱少微玉局留題名始著
山人應亦借餘暉

要繼前賢傳勝蹟黃茅岡頂踏層雲遙知講舍春風滿
鴛掖才人迥不羣

同人遞作消寒之集仿真率會故事次蔣叔起韻
吾儕訂久要有如金石堅所惜在城市未得居園屢今
冬臘雪足二九飛翼先歡聲四野騰瑞澤專穹圓遙知
梅花嶺萬藥千枝妍原隰堆瓊瑤處處皆于闐蜀岡路
愁滑且莫騎連錢氈爐送主賓排日羅篋邊蔬苗嫩若
薤刀魚美過鰯恰符竹林數

戴友梅史偉堂薛世香師
竹庵徐仁山暨君與子凡

七人飲到除夕前君訂於二十九日招飲 弓鐘正爛漫舉杯話蠻

蜒君口同懸河絕非杜撰禪尚儲越釀佳招客醉明年

借遊治春社泛艇丹霞天湖上種桃二千樹

除夕齋中獨坐歌以遣興

唐花臘花其爭妍鼠姑國色讓水仙繁穠那能敵淡冶

絳緋謂碧桃香蠟謂臘梅品格懸姑射神人不肯降齋中無梅花

阿誰瓊島來躡躑謂玉蘭白霓裳抱蕊珠顛燭奴分光銀

海眩半由人工半天工增年可奈成長翁對花起舞心

豪雄憑仗酒力顏爲童

我在廣陵四除夕胥次坦然適其適題襟倡和五百篇

二知軒稿動盈尺牙籤錦贖博接采夢園屢屢有新獲
朱餘人訝久不遷嘯傲蜀岡殊自得熏爐煖甚無寒灰
罷書闕字懷抱開古昔畫虎信可哈幾時茶壘代靈爐
柏與呼盧角勝負祇貪歌詠弗離口兒章告翁威宜守

謂阿

同 問汝癡欲曾賣否

二卯軒詩續鈔卷十五

定遠方濬頤子箴

古今體詩一百又二首

癸酉正月
至閏六月

元旦拜 闕恭紀二首

至德邁堯舜

皇慈戴

兩宮

臨軒將

授政

二十
六日

上親政

皇率土效呼嵩百爾嘉謨告三無

聖量崇伏蒲

思往日政忘諍臣風

蓮界重魏煥

去年重修天甯寺
大殿供奉龍牌

朝 天夜嚮晨

一人

端負辰萬象普回春秦隴邊氛靖滇黔士氣振甲兵長

不用都作太平民

題趙松雪杏林谿鷓圖

下箸溪邊倚畫橈
王孫著意寫生綃
天然錦片隨風舞
宛爾金衣顧影嬌
薄粉輕紅閒點綴
鷗羣鴛侶共逍遙
而今不見爭春館
燕子空飛廿四橋

題陳章侯山茶水仙立軸

海紅七朶三含蕾
魚虎蹲枝炫文采
招呼翠碧立拳石
昂首有情翹足待
淩波仙子迴絕塵
豪客在此來何因
寥寥數筆滿生趣
北崔未必如南陳

出郊寫望

出郊逢鼠日遲遲
春未歸

初七日
始立春

波平微皺鞦韆風
柔不

颺旂元戎渡江去

謂小軒

營門鼓角稀四野民氣樂雪後

來牟肥

曉蓮寄和章至次韻奉報

奮跡當湖冠倫魁六符炳耀色齊能允矣公望兼公才
簿領餘閒樂周孔租庸轉運 朝廷重秣陵曷爲鄉思
動持節頻過淮浦東什一耻營劉伯龍笑看蜃氣樓臺
空屹如雪山崔曲比況復文章傳正軌繫予但作詩人
耳鑿江有役身絆羈蜀岡喜逢探梅時行春直趨草河
湄隔年和到新詩句預約瞻帷此間住鼓勇鷗夷傾大
瓠平山堂畔我遲君干霄上排闥闔雲骨相可决姑布

云元關牢扃顏絕好祖洲無庸擷仙草縱觀廣莫崑崙
小

人日游平山堂用漁洋山人治春絕句韻

一冬未踏蜀岡雪天遣春風送客來

是日立春

桃柳新栽生

意足衝寒先讓絳梅開

圍爐兀坐小齋中無數唐花爛漫紅那及山堂羅錦繡

洛春堂新種牡丹

游人到此莫匆匆

惆悵漫天雲亂飛嵐光隱約隔江稀把杯判與曹騰醉

絕勝年時著戰衣

謂小東族叔

盧會以後無風雅笑問山僧知不知畢竟元音推正始

如何蠻語雜侏離

詩朋難得住三城

謂吳禮園戶部

泥飲連宵酒似鴆卻羨紅橋

多韻事不同絃管鬧春明

乘興橋題問月名擁書高卧訝先生

謂叔平

荀興忽遂看

山約佗日還期盪槩行

白首同餐五粒脂巖阿長葆歲寒姿村農道是將軍樹

謂小軒鬱鬱蒼虬十萬枝

咳唾珠璣落滿前

叔平禮園龍換同作

廣陵壇坵壯新年從今準

備攜壺榼雨後芳郊翠接天

玉谿次漢卿元旦韻索和

隨安室

玉谿所居

裏拋筇健養志園中舞綵新冰玉聯吟剛

改歲坵壇重闢最靈辰

人日得君詩

當陽御宇乾坤泰吐

氣含和物我春恍見青山舒笑厲條風嘯拂四郊勻

次玉谿見酬七絕四首韻

撚髭吟過古稀年辱貶長篇又短篇今歲邗江開社早
要收春色入毫顛

仕隱雖殊臭味同輸君醒眼大槐宮草堂料理栽松竹
判作肥津叱犢翁

藻翰聯翩刻燭成

人日遊蜀岡歸卽夕與禮園叔平皆成入絕句

中宵一片

詠歌聲柳湖水漲雷塘暖去聽黃鸝鼓吹鳴

杜陵廣厦徒虛願莊叟良庖亦寓言試看東皇初稅駕

醜膏而野普銜恩

初九日雨

客臘東坡生日白門諸子集祀飛霞閣兼爲琴西

作餞琴西次張嘯山

文虎

茂才韻留別將過邗

上緘詩索和

使君奄有名臣風抗懷元祐熙甯中白門四度舉高會
心香虔奉蘇長公經濟要從學問出後儒直與前賢同
金章犀帶佐 帝治減弊儲羨時乃功朝天且喜作過
客祖道爭欲觴詩翁祝君此去見我 后嘉謨入告輸
葵衷拔除稂莠福桑梓遏抑強暴扶衰癯斯民盡登衽

席上大力遂挽狂瀾東側聞內相數陸贄行見手勅頌
崔融子瞻延和再入侍管領玉局仙五通院外寵分六
閑駿雪裏辱賜頭綱龍蓬山一別勞夢想十年未得離
塵蒙不才仰跂蚤負壓無用自慙蒿倚松黃鐘大呂鏗
巨響頓令雙耳爲之聰蜀岡儘可恣遊眺白駒維繫休
忽忽虛曾風雅孰堪伍久貳其間憐眇躬耽吟幸獲簿
書暇習嫺奚至鞭算窮友朋深情舊雨戀宇宙幻態浮
雲空平山谷林兩師弟伊昔悃款惟樸忠把杯莫動離
索感巢痕依約窺 九重

蔡氏貞烈二女行

吁嗟乎鯢然偷生戀金紫讀聖賢書寡廉耻死後姓名
玷詩史丈夫不若小女子一解曰貞曰烈節侔松筠潯

陽蔡氏萃於一門上聞諸

朝劉國光

御史

爲之傳者龍

文彬

二解

女父館前輩

梅龔編修

作書旌揚州謂墮卅載齊

年交願得歌謠傳千秋

三解

於書索婚守貞有阿姊天

胡不作侍郎兒旣嫁殉夫有阿姊彭家豕男甫結縵長

澤菖三澤芝壬戌五月辛未七月十年之中兩見之

四

解問姊何賢師之教問妹何賢姊之教隨見人塾姊五

齡心知古人是則是倣

五解

阿姊學成長妹十齡陳說

節烈阿妹敬聽阿姊麻衣歸袁阿妹對之雙淚傾云吾

姊不諱古人

六解

阿妹子歸半載妹婿天折謀所後泣

向祖姑叔翁說許俟夫弟生子女志遂決頭觸地乞同

穴潛仰藥半日而絕

七解

傷哉二女各爲其難姊之不

死爲夫立嗣報所天妹之必死從夫地下婦職完白頭

太史揮筆仰天歎巾幗媿煞羣衣冠

八解

玉谿元宵獨坐疊去冬長歌韻索和適予有真州

之役至二十六日始得次韻以報

金覺銀燕誇富豪蕪城大賈輕錢刀天中塔下放煙盒
填街塞巷聲沸湖紛紛肩摩更轂擊兩兩曳錦兼鳴瑤
包家燈製最華美上元行樂爭相招繁星那及二分月

碧空碾出冰輪高，
劫餘久弗見。此景望前
嬾過轅門橋。

揚州風俗十四
日卽收燈不賣，
自離穗石到淮海，
猶聽壺園吹管簫。魚

龍曼衍散場易，
爾卜可堪蒼鬢毛。
新年未獲詩叟遇，
竟

夕但將斑管搖，
告君鼠姑艷無比。
呼奴官燭頻番燒，
山

中明日挈榼去，
洲畔有客征帆飄。
琴西將至
招游蜀岡
逢迎冠蓋

輒忘倦束縛，
世網吁難逃。
叮哇已化標準立，
策日不落

元箸超怕看石火，
電光發愛聞暮鼓。
晨鐘敲五湖，
願與

鷺鷗押九陌，
甘讓驂騑驕。
剗除芒角絕夷坦，
澆破塊壘

何牢騷，
正思聯鑣入吟社。
又催振柁趨江皋，
十七日夜
卽往儀徵

丁次風狂似虎，
塵撲面奔走弗遑。
雞距操三汊，
河西半淤

淺崖岸陡峻幾成陶亟舍危地徙安土

移棧於普新洲

譬以清

醑投濁醪

欲引淮刷之

開方布算信周密收分奚至差釐毫

廟堂方議治河策茲役甚重非區梢浚渠要知水就下

築壩儼若兵斷抄矧今寰宇共稱慶太陽普照氛沴消

歸來頗喜近文字

二十六日書院敷別

未償詩債逾十宵案頭一

展太常卷

梁敬叔自杭州來見脉鮮于伯幾書揚州四十韻詩

生氣鬱律蟠螭蛟

蜀岡工竣約我友借踏仲春花柳朝

梁敬叔

恭辰

觀察前至嶺南以名人書畫七種存

予齋中予皆各題一詩爲籌北上之費而去敬

叔頃由杭州來邗上知前存七種已編入夢園

書畫錄遂慨然相讓予復償以重價因並舉行

篋所攜之東坡題四家古畫卷楊昇仙山樓閣

卷董北苑羣峯霽雪卷鮮于伯機揚州詩卷周

叔宗書金剛經黃石齋山水冊見畀喜而有作

詩外更饒書畫癖夢園著錄繼江村

予免叔平菽之仿江村銷夏錄爲編

所藏書畫成若干卷墨林當日猶嫌俗

項墨林所藏書畫每罨價於後玉璣金題

價莫論

寶米何期又寶蘇惠州已付手民無登登響徹題襟館

正值新收盤谷圖

東坡書歸去來辭前年丁兩生中丞欲刊於惠州曾摹一本寄之去年予甫於揚州上石復得張敦禮盤谷圖將東坡書盤谷序分爲六段亦真蹟也

多感西冷買權來相逢不覺笑顏開齊年誼重非豪奪
反主爲賓語近歌

梁蕭賁

唐楊昇

五代

史瓊

宋

北苑

元

伯機

明

周叔宗

黃石齋

謙

素尤難巧合并

謂四家書卷

坡谷曩時偕擲管吾師

謂卓文端

入

市鑒衡精

休園片碣委榛莽

敬叔云伯機詩卷曾刻於休園

待我平山壁上鐫爲

告王孫燒不盡

見退菴跋

好詩留向廣陵傳

撤勒石平山并補入府志

嘉道年間數退菴達官風雅一生貪簿書堆裏搜籤牘

天子歸田早脫蓂

泊鈔關門外作

梅花笑長官，冒雨夜出郭。忍拋霞綺姿，畏爽友朋約。

與敬

之配堂約於二風橫難施篙，負牽泥沒脚。曛黑迷東西，

十七日相見

鈔關門外泊篷窗。聽浙瀝淒淒聲，雜寒柝。正宜擁珠瑯，

乃甘索寞。

瑤寶落吾手，楊董竟得雙。

楊昇及北苑皆各二幀

只圖富收弄，那

愁賸空囊囊。空籠則滿嗅之，有古香。賞心更娛目，寢廢餐可忘。人人道我癡，我偏喜欲狂。亟築肥上屋，孕此虹

月光

二十八日三汊河阻雨不得登岸

康熙三十八年仁廟南巡

駐蹕建行宮賜名菜黃灣

關河築壩遵陸行四垂雲幕天瓢傾焉能衝泥達新城

地名終朝聒耳風雨聲悔不昨宵攜畫卷樓閣仙山銀海

眩欲行且止茱萸灣紙上游蹤都歷徧

時讀玉井山館遊西山記

次日喜晴

侵曉倚篷窗快觀朝日昇春雨不誤路方言信有徵治

河去其病塊壘猶痕癥舊江地名倏已至河干羣引繩

普新洲寫望

長江天堑險到此水亭澗岸澗環如玦

禮祀洲橫峰多

列似屏壑培基址固安穩舳舻停卻悵鱗原裏來牟忽

斷青

浚河開鴈建棧感農田不少

玉谿游梅花嶺三疊前韻索予和之

白頭足抗師雄豪筆鋒快於并剪刀箇中了了得三昧
一浮漚體爲全湖觀空每慣入金刹悟道奮欲躋丹瑤

臺名

隨安室裏靜思動結伴出郭鄉人招懸知對花發長

喟茲嶺不敵梅源

山名

高哦松君在史公墓問夜我過揚

子橋時復鼓勇上壇坵天然中節如籟簫矜奇闢險再
接厲論功畢竟逾諸毛歸來願乞補圖畫烏龍掉尾山

光搖

普新洲望見江南烏龍山

盆梅向人開旖旎驅寒鴿炭紅爐燒

晴窗巧作淡霞暈暖屋詎受狂風飄黃姑徙倚玉妃伍
後院蠟梅甫作花戀春怪底冰雪逃門無雜賓學謝謫性好棲

遁儕却超自從鑿江屢行役躑躅河干棋罷敲請看斛

水鱸鮪避

土人云然

匪同移穴龜鼉驕

謂六濠口

真州之民鑿鼓

集爭執畚揭靡震駭漲淤連番通港汊下隰菜土成平

臯遨遊弗暇履借踏淹遲未敢舩率操擲猶記晉賢

語以鈍捶利摧雅陶不圖箇園有良會聊奏郢曲樹芳

醪到門偏值客滿座

君昨枉顧適于觴客未得相見

索逋甚急休停毫

憑誰摹寫軼塵態峻嶒傲骨鐵戟梢

謂梅

勞逸殊途轉諧

際峭閒能養因殘抄

用東野詩意

農畝正宜甘雨降郵程還

盼霾曠消

將於十六日赴白門

暗香疏影助幽興挑燈官閣談半

宵儼翻野鶻走良馬遂困渴虎饑蛟雷塘路滑翠難

拾蕪城今日逢花朝

二月十二日
亦爲花朝

次玉谿史忠正祠看梅二首韻

花爲春寒勒淹留春仲開祠堂高阜枕戶牖暗香來誰
與山中賞神今天上回衣冠靈爽寄一醉白雲杯
願翁豪興發蹤迹以詩聞疎瘦無塵氣徘徊到夕曛同
人喜簪合獨我悵襟分堪作癯仙侶騷壇待策勲

次玉谿平山堂探梅復過養志園韻

探梅恨不到元墓香雪海邊同覓句秣陵東偏號梅岡
虬枝蛟脊迎春陽齋中對花空索笑那若老顛遠吟嘯
老顛攜客上平山遂入壻鄉暮始還時在乙卯月四日

云獲清友一冠十

會端伯取友於十
花以梅爲清友

問年可與樂天伍

把臂堪追竹林七園丁栽花缸代盆春寒今歲遲出園

煮石山農爲寫照

子藏有元
章墨梅

寂寂了無蜂蝶喧白頭如

君太豪放健步何曾後生讓乘興幽探發浩歌拋筇絕

弗露疲恙官閣繁於法曹廨小雨初晴曷相訪自從人

日詣僧家卻悵勞生未有涯鼓枻歸來又旬日不知許

事飽看花

十六日卽事

莫灣行過西

借小軒
勘工

瓜洲折向東舍舟復遵陸勞生如

轉蓬春寒不肯去日暝雲翳空訝子食指動

叔彥
招飲渡江

來好風

輿中漫詠

潤州池西途幾經劃開天塹多障屏稚松緣坡色蒼翠
老柳臥堤牙嫩青龍潭未到傍山走驢磨久旋向夕停
霜葉綴枝過春半畫家淺絳真通靈

宿慶真觀大澈又入城詩以嘲之

去年大雪僧不歸今年我來僧又出拋却蒲團入城市
多恐逍遙忘戒律打包行脚塵中滿若箇一龕彌勒伴
要知都是下乘禪白首難登佛場選

鏡如來揚州復次江韻作五排次咸韻作七古索

和適于往金陵寓甘露菴遲十餘日始得奉酬
玷壇雄此邦萬石寸莛撞瓦向空齋坐喜聞深徑登巖
心鈴善解大力鼎能扛泉噴金沙活崖排玉柱峴下帷
甘守蠹閉戶不驚羗翬翬思惟謹硜硜信甚砥詞場工
角逐筆陣健撐撻以爾言情贊勞子注目眩慈雲方蔭
竹仙餌肯埋邶豕訝訛爲亥逢嚙繆作遂分形識毘廳
說卦辨龍驤入洛將追陸歸山詎學龐銜華兼佩實修
煨更延鏡厚誼馳函牘賢聲震節幢謂恩竹樵敢令憤
刺滅那便監幡降植品躬斯戒劬書貌若蠢鉗鑷融銑
鉤圭璧琢珽玳蛾術時成埜雞談每近窗錦搗葩鞞

鉢擊韻琿璣未獲看紅葉還來采綠茫延賓重改席呼
吏益封椿志士悲歧路橫流等巨澤津迷隨泛濫途險
避峭徑放軼恒踰矩喧闐孰應控牽皆同傀儡綠卽上
竿幢幻態支離叟妍姿婉孌媿引繩堪日繫布鼓擬雷
聲拳石基纜立蹄涔水亦淙寸瓊騎百琲一勺傲千甔
籬菊叢攙惹湖蕁葉潤虹坡平尊附婁派別衍枝江瓠
落林岑竦萃縈滄汰澗蘇囉音太雜嘲噓語尤隗拙宦
遭羈縛良畚失耨耜會須拋手版借與駕吟艘秭秣名
殊稌神留種異獲扶犁差免惰炳燭頓開曉傍柳安茶
竈採梅認酒雙溪烟晨澹沓嵐霧夕冥黓邱壑胸襟暢

風濤夢寐雙長吟春過半勁敵世無雙獨聽廉纖響難
諧穩貼腔撫衷增愧慙矢口戒紛厓撥拾頻攤卷推敲
漫倚杠雅材終振拔吾道必誠慤嗚鳥催鷓鴣鳴蟲噤
穀虵佛龕燈下磬官舍雨中柳宛轉如相和躊躇旋起
蹀綴旒洵可笑遺却隴頭瀧

君以予前和詩失押瀧字
次韻遂綴於篇尾予既補

前詩復書此
以自嘲云

服君暗記如臧嚴吐辭謹讓通譏詁皮陸嗣響吟海蜃
恍見野屋橫綠杉擎雲蔽日何筍摻幽絕厭聽松篁護
天梯獨步無人攬秘籍曾探少室巖長生久視塵慮芟
洞門四豁煙蒿長盡洩造化窮機緘丹鼎抽添火一杵

天遣徐待躬自監六丁卻走熊虎麕翩然跨鶴穿穹嵌
眼前俄頃殊仙凡銀漢乘槎不張帆左右操蛇從巫咸
瓊寶生輝邁璣域五芝爛爛茁絳岳靈藥勅取雙鳳銜
山果摘獻白腰漸青鳥相邀口噤喃醉擘麟脯擎勺椀
御風歛過蓬島巉趨朝紫庭頽玉函星官烏巾白襦衫
蕊珠宮闕天匠劒浮邱洪崖紛駭颯虬螭駕輦霞作縵
托腸有鼠笑犬饒夢醒始知身在巖夫惟神契感至誠
黃梁未熟釜底臙轉羨三窟營狡兔千仞欲翔金彈鶻
踰伏下土窺嚙暑杜陵性命依長鏡矧聞夜郎燿祆櫬
願執牛耳會於鹹整軍而退奚隘儻

白門雜述四疊前韻寄答玉谿

兩月不見吟彌豪詩翁嬾出風似刀訝余一春屢于役
京江薄暮帆趁潮聲盛那虞竭魯鼓報遲自愧非齊瑤
白門近事爲君說尊酒日赴良朋招衣冠隊裏苦徵逐

翠微空跂山亭高倦尋元武游燕雀

皆湖名

時過笛步穿

板橋將軍來從廬子國

謂劉省三軍門

輕裘緩帶拋弣簫北譙

詞伯氣磅礴

謂慰農

雄談驚座揮塵毛花枝亞壁絕旖旎

酒兵列陣難撼搖蟻醅醜勝白波卷魚脂明於絳蠟燒

謂洋燭

荒園玲瓏好崖石二更銀鴨香暗飄磨驢由他陳

跡轉冥鴻獨汝增繳逃此際甘作臥甕卓當年誰識投

筆起兩晴借訪莫愁去日輪恰被羲和敲村農取藕放
湖水蛙鳴不敵禽語驕飽餐黎祈腹已果却因困酒思
侯騷大潛嗟峨壓大蜀面山十載成林皋省三草堂將

往郭西構版築先在城東操王家鞦韆川

謂道遙津

卜鄰近棲

隱欲學柴桑陶惜哉社友期未至

慰農飲於適園

無人更盡壺

中醪湘鄉遺像

曾文正公

屹千古傳神畫頰添三毫碎璫猶

綴稚梅蕊新絲待展垂楊梢商量萬事破除法指授九

宮行棋抄

欲邀小松返邗上

及今支筇腰脚健久矣據鞍髀肉

消佛國果然是蓮界

湖上荷花最盛

拍浮安得逢暑宵幕天席

地瀟灑甚豈知徒手能搏蛟以詩代柬訂良會遄歸修

禊上已朝

詠古抒懷五疊前韻

劉伶醉眼看二豪莊生躊躇藏善刀要防顛躓緩上阪
願毋躁進謹候潮歸真返樸慕顏闕所居俗化推馬瑤
巖下老人自尋樂山中宰相手勅招會稽華岳及吳郡
名流異代傳三高築室最宜招隱館祖餞爭羨張方橋
奇聞之論子荀子天鼓地鐘星竿簫庾易性恬卻薦表
日月爲車衣鮮毛厯仕三朝四改姓瀛王尙弗如周搖
幽探儘有白雲臥露寢那畏野火燒斷章試諷簡文句
心緘愛網情浪飄牆東避今澤中釣鑿坏遁矣挂檝逃

堯之外臣明僧紹學者成市張公超松石爲朋稽伯玉
王休待客溪冰敲守敬通訓懷不槩懍思伯言衰至驕
三閭大夫椒絕調悼感倣翼皆曰騷鄭朋奏記洵足采
下走將歸延陵舉榮財可堪錢壁倒遺安孰若耒耜操
伯龍乃爲鬼所笑鴟夷子皮胡之陶欲破孤悶味苦茗
島參妙理傾濁醪能納須彌入芥子應小太山大秋毫
罕譬而喻趣彌永正容以悟意也消纔離招提又蘭若
三月初歸獨坐文室哦徹宵云何浮兔讓香象故知絆
宿慶真觀馬非潛蛟預期花甲遂初服草堂把卷忘昏朝

清明日伯符招集懷勺齋得詩四首

漢上投簪返竹西，搜羅玉躩共金題。
多情好客杯常把，健步看花杖不攜。
勝負無心拈葉子，抑揚中節唱銅鞮。
於今五載過從密，爭仰高風洛社齊。

居鄰蔣徑號南澗

叔起箸南澗桔語

樓閣玲瓏洞壑皴，楊柳作

絲籠薄霧茶梅如火艷，殘春曲堂隳室神仙境。
抹月批風自在身，誰道衰翁豪興減。
拔河輸與少年人。

幽探眼界豁然開，潑墨淋漓總壯哉。

水木清華館壁君去冬免徐東園書

松僧蓮溪畫竹

寫出歲寒三友貌，歌成塞北一雄才。

海正鑄題

龍鱗鳳尾懸空活，雪魄冰魂入檻來。
我有道

昇圖絕肖

子藏管夫人玉蘭立幅

路經瓊島屢低徊

園中玉蘭盛開

邊雲聲調數何截

謂歌者楊叟

遮莫搔頭傅粉慙怪底伶工

辭日下遂教風氣變江南雅音至竟淫哇別俗耳焉能
法曲請老去追蹤桓子野酒懷都爲管絃酬

客訝余久不作詩書此答之

自春徂夏四十日兩住河干一渡江堪笑舌鋒過箭筈
慣持手版逐旌幢浪遊旋鼓維揚櫂逐隊重停白下艘
予至金陵省眼底奔馳勞逸判頓教等躡不成腔
三已往邗上

圖新舍舊本權宜崩岸迴湍力不支膠柱要防當局誤
模稜無怪見機遲胸中成竹供揮灑紙上談兵詫陸離
掩卷廢書長太息壑鄰都學白圭治

看花有約負平山卻羨詩翁不肯閒

王翁以流水灣齋看牡丹詩見

洲畔雲陰空澹沱

今春雨少

柳邊霞綺故斑斕

見岸上

翻因

春揭乘時亟竟爾溝塍布澤慳走俗抗塵何所事伏牛

瘞鶴嬾躋攀

怒潮月下喧風雨篷背沈吟對未工也似催租人敗興

徒令載酒客稱雄

王翁又有雪航招賞芍藥詩

衣冠大抵儕優孟禰

福於今悟塞翁忽憶楚江同調侶

謂月樵

偷閒強欲理詩

筒

敢云傳舍任圍荒薜草編籬日課忙曲榭掃除安複壁

團蕉補築翳叢篁遠移藤蔓將祈雨

向養志園乞籬花

高架蘆

棚爲納涼儀董名軒新結社抽豪那待付奚囊

儀董軒雜述

井董子

東新築屋斷手歲己巳九楹拓三面迴廊通漚

池景賢樓在南題襟館西峙旣營祠

董子祠

北廳相度得

餘址稍稍種竹木爲山一簣始因凹巧成凹

軒之西浚池取土築

高阜於軒南

有池悵無水邈然遠塵囂著我詩境裏不圖嶺

外行匠作遽中止

歸來庚午冬叢篁枯不活促膝寶米齋圍棋燭見跋後
圍旋就荒咫尺竟契澗忽忽逾兩秋昨甫呼赤友垣墉
亟修治瓦礫勤拾掇添檐障温暉猶嫌太做謔朝陽不

足畏屈曲增戶闔區分轉輿爨招客借擊鉢

東軒三楹
釐爲五間

顏曰待

月詔

前年所補竹今春甫行鞭卻愁雷鳴稀貓頭枝竿駢此
君貌何癯圓丁叱使前壅泥瘠自肥汝乃秦越然憐慵
若罔聞汝去弗汝愆長官且息怒出郭毋遷延滋培仰
膏澤雨後彌娟娟四月二十
九日得雨還期竹醉日再種三百竿
不知是官衙大有山野趣麕眼連朝編小人請學圃矮
籬引瓜豆當暑美可茹高籬花蔓扶霞綺燦無數邗上
多園亭蒙密競迷路不如此空曠綠陰最深處梅桂紛
成行垂楊八九樹長松儼浮屠孤聳絕攀附

中央雙梧桐濃展碧玉圭新栽十幾株何日排雲齊槐
龍獨天燭傍晚風聲嘶盆蘭將作花菊苗蒔滿畦廢沼
俄改觀萬柄香漣漪免雪毓買荷花四十缸以實之豈必保障湖納涼
放懼嬉偷閒大自在三年胡不窺及茲事塗聖庶免來
者嘗

古井久封閉尙須翼以亭師儒與忠烈千載留典刑擇
泉另開鑿澆灌衆卉榮更築一團蕉誅茅莫彫蕘明年
賞香雪衝寒搗酒瓶宜夏不宜冬無已闢後楹徑廣計
方丈向暖安疎櫺斯爲小吟窩足傲曾南城

由三汊河舟至普新洲

不有千夫役焉能一葦杭趁晴堪刈麥盼雨待分秧江溜通潮遠田歌斛水忙逆風勞負牽繫纜已斜陽

歸至三汊河登陸返揚州

往來都遇打頭風卻喜肩輿捷徑通路出黃灣天色暮插秧歸去有村翁

張春核

盛藻

侍御以其令子克萃舉選拔喜作駒

續行次韻奉賀

閒鷗怕隨鷓鴣驚行黠鷺那甘作爾儻獨於文字苦性命良工良冶殷跂望踏逐不令終畎畝拂拭青萍學龍吼美君有子我有孫蛾術橫經昌厥後阿堆號家駒子美

歌健犢從此天衢奮鞭策肯向山村飽芻菽明年趙北
燕南行鈴鐸聲中詩思清呼牛呼馬滑稽也身在城市

儼郊野

時君久寓白門

竹醉日補竹甫三日卽得雨喜而有作

將所未祈雨卽至

謂四月二十九日

恩膏普荷天公賜後園編

籬植蔬卉一夕沾濡有生意天中節過復飄灑

初六日小雨

瘦篠娟娟逞姿態邇來分秧期已近偏值落梅風得勢

飛廉猖狂卷雲幔擁出金輪走屏翳暮春雨少豐轉歉

二麥不肥田父喟河干齊駕龍骨車擊鼓鳴鈺誰敢懈

舟行彷徨四瞻顧願乞木郎表靈異

去年芳宇贈木郎祈雨咒云得之道

藏將於十五日設壇諷誦我歸負擔人亦返百二十竿先種蒔是時欲雨不得雨涼爽如秋碧空霽那知彼蒼劇仁慈儼爲此君施灌溉四更浙瀝聞打檐竟日冥濛看滴翠天心人心互感名潑墨淋漓筆端快雨歇又栽八十竿餘者城南掉舟繼平安可報俗差免除卻哦詩無所事眞宰莫厭山農貪還與翻盆大滂沛

哭楊掌生

殷勤又出同官峽爲我迢遙度嶺來豈料此行成永訣
可堪多難厄雄才暮年文字無人訂投老岩阿獨汝哀

賸有一編傳不朽

予爲君刊再
貢今圖說

招魂誰上越王臺

棣園卽事

今爲湖南會館

引丹臺作管絃場
款客遲登泛海航

謂文星殿將軍

難得隨車

甘雨至跳珠好爲助鏗鏘

匠心眞可奪天工
收取蓬壺入眼中
賞桂探梅都不羨
秋來如畫是霜楓

往時金谷鬪豪華
驀地紅橋咽暮笳
試向平山堂下望
空餘白塔樹陰斜

竹西歌吹忽然停
鐵甕城邊打槳聽
猶記壺園苔徑滑
於今寂寂戶常扃

一別長安十四春
銜杯共話輒紅塵
當筵更比何戡老

頭白看花杜曲人

待月謬偶成

長夏耽幽曠聊爲擁鼻吟此間得佳趣隨在化塵心修
竹雨初活垂楊風不禁衣冠憎客至渾欲賦抽簪

且習投壺禮因之屏睡魔矢偏難貫耳力故不同科本
以驍爲勝其如猛易過載稽司馬格漸覺氣銷磨

百事甘謙退雄哉戰一枰旁觀成敗決當局死生爭嘿
爾寂無語鏗然落有聲翻新皆譜外卽此是心兵

正營肥上屋肯作占巢鳩明月無今古浮雲任去留生
涯原若寄文字豈能囚自笑非猿臂張弓亦射侯

迤北軒窗拓

即小吟窩

東西築兩亭

一在董子井上
一在梅林東南

不平殊

突兀惟曲轉瓏玲詩境紛堪繪書聲近喜聽昨宵籬畔
立鶯已見流螢

題董策三

對廷

農部甃湖歸櫂圖

珠江鼓櫂昔遇君選膺蘭握信不羣翩然忽動養親志
君歸我亦移淮濱鄉味何濃宦情淡白頭二老齊眉案
我羨君居在湖畔月光更比紅橋爛循核詎肯戀頭案
舞綵強於著朝衫急流勇退一回首險矣乘風破浪帆

快雨謠

使君爲吾民步禱新城東木郎之神三山雄雨騎迅發

來太濛用咒中語燒開雲幕火繖紅六月初七日設壇天即微雨旋霽次日亦然

一解天膏胡屯我苗則槁山農咨嗟坐視秧老龍欲揚

鬚飛廉橫掃東南陣勢原不小慕越邗溝令人惱二解

禱已三日遑敢撤壇甫聞棠邑霑泥又報京口霽濶既

雨及夫真州彼蒼殆弗靳此彈丸三解儀董軒中仰天

太息煖焚彌烈幹旋無力不因耕父難醫我疾蘊隆蟲

蟲憂形於色四解月十二日風轉而西自未至申降雨

一犁我病霍然招客圍棋喜今夕之霽月恨昨朝之晴

霓十一日雨將至為虹為阻主伯亞旅貪心未足人情若斯得

隴望蜀豐隆逞威助屏翳碎鞠滂沛夜窗續十三日夜雨六解

神哉鬱光

雨神字

號令欽流精

水神字

掀波儵灑露玉池噴

荷成甘霖萬條銀線垂森森

十四日晨起復傾盆大雨

赤雞紫鵝法

善禱雨符

屏勿用端賴方寸誠虔心

七解

新桐瘦竹翠如屐

遙想溝渠水聲活多謝天公閱農夫至再至三澤不竭

使君曷去登崑岡一片田歌出林樾

八解

茅亭落成顏曰香雪

亭成正喜雨不襲西園名梅花十五樹花時逢早春三
株蔦綠華餘者絳葢皺年時竟孤負及此團蕉營尋芳
足樓止澆凍攜瓶罌身如在田家觴詠無俗情小詩作
故實恐我歸肥濱

二三四五三日復連得大雨再賦一詩

果然大滂沛足厭山農貪放晴未十日迭降甘霖甘豈
惟秧補插豆苗長毳毳我方坐謬廊滿園綠意酣屋漏
轉稱快棋罷借譟吟天公福吾民恩膏願普覃吳中尙
祈禱取水白龍潭

籬脚老少年已斑斕可愛口占二十八字

西風簇錦占秋先虎落低張分外妍欲與蓮花鬪顏色
還丹誰及草中仙

儀董軒消暑第一集次蔣叔起韻

詰曲吟窩竹作欄炎蒸雨過便生寒怡園妙境虛空撰

偉堂將於吳盤谷秋光次第看君之小盤谷云離垢直

中構怡園須遊汗漫有情從不興衰蘭用李長吉詩意推杯斂手吾甘讓

拔幟先登上將壇予與友梅兩奕皆負

鳴蜩雖與鷓鴣同卻羨高飛出俗籠預約傾觴醉松月

友梅詩期間平遠樓後屋將竣六月十六日更思泛艇引荷風王仁山遊蜀岡簾波

似水蝦鬚漾翠幙當門麁眼通我欲追隨三徑裏元卿

新號杜陵翁

爲際庭題童二樹先生梅花卽步自題原韻

前年白門返此卷行篋攜君謂有畫癖屬我題品之數
點天地心難語庸流知先生本高潔入世何湜緇借花

自寫照綽約姑射姿君能述祖德仰止生遐思忽忽過
三春迄未成一詩元章最卓絕宗派傳幾支壽門師其
意尺幅千萬枝兩者試相較貌合神不離嶺南得瓊寶
予前年得煮石山農
墨梅真蹟於廣州 玉蝶風暗吹近築香雪亭溽暑渾
忘疲梅邊種竹多努力將俗醫明年爛漫開把盞情爲
怡君書來索逋老嬾輒見遣不雨又旬日揮汗方停披
山陰闢壇坵隨園曩追隨豈惟擅六法黃絹誇色絲嗚
嗚瓦缶扣瓊匹瓊瓊辭

題周詠華

學洙

兵部榆庭問字圖

庭在京師
吳興會館

飛來天上玉衡星若爲郎官特降靈試看雙柯垂美蔭

豈徒六駁攻龍經編籬魏郡材原富屑粥中條味更馨
雛鳳清聲娛老鳳鳴蟬低和水翻瓶

入伏後亢旱苦熱倏已逾旬至閏六月初十日前
得雷雨須臾月上大有秋意三更復綿綿不已
向曉勢若翻盆辰刻始開霽喜賦長歌

我來揚州已五夏獨有今歲苦赫炎六月祈雨幸得雨
高田下隰均濕霑儀董軒作消夏會夜涼不敢觴風檐
豈知逢閏暑尤酷奮張火繖蒸龍髯瘦竹將枯稚桐死
深甑如沸洪爐爇甫看星射絳河涸又覩雲破朝陽暹
止渴時呼密箒剖揮汗莫催筠管拈衣冠終讓裸袒適

城市那若山林潛流金礫石信非謬熏天肆虐誠無狀

私心竊恐等吳下騎月弗應霖潦占矧聞飛蝗不入境

叔起聞之浮圖所欠惟頂尖再得一雨可望秋成穹蒼降福廣陵

郡詔汝屏翳行勿淹閏月九日勢迅猛未遑西顧先東

漸老農望斷不期至豐隆前驅威令嚴依然過午暴凍

集頓覺熾空焦暑熿是時披襟大自在天街淨洗懸明

蟾歸眠枕上不成夢側耳窗外仍簾纖碎匄五鼓玉竿

響錯落萬罌瓊膏黏迎秋十五日布澤兆豐稔一鋤恨

少三犁添起視園中滿生趣絲柳弄姿波漾簾

鬪珖巖館第二集詠孔融墓

據元人李孝光詩在駱駝岡卽今江都縣

學高
處

騷衷絕足奔珠玉無經至薦論空古今憐才見高誼北
海座上客爾盛固稱最雖云都尉微偏辱充鼓吏覆巢
禍已胎動遭阿瞞忌惜哉生非時典刑渺焉墜文字蕭
樓傳威望少府累遺冢久湮沒駱駝岡畔地一門曩爭
死坐兄真憤憤吁嗟天不佑兩兒故釘戲斯人報若斯
宇宙多憾事

視董家溝橋工遂至孔家涵

往來占利涉經年願甫償勾工太守賢

謂小峰

選材樁宜

桑溝深十九尺橋廿六丈長東郭行旅通池邏三虹梁

永保十年固驩聲震道旁橋成神歸來飲水髯怒張

聞之

土人

云

秬粟低垂黃蜀黍高殿紫巨勝紛作花碧毯綫頭纏野塘快疑眸紅衣艷如此祇緣防私鹺賃田營壁壘村農

愛青蚨蘆洲半入水

謂儀徵新河

當風竟忘暑雷車天上起

爲趙益齋

增

孝廉題焦山紀游詩卷卽用湯文端

公和鍾仰山司寇七古原韻

自然菴中月如水

見文端遊記

東道主人門下士

謂益齋與包圭山顏

葵伯三君

不才夙荷相公知

濟頤爲文端門下門生

翹瞻一柱中流砥

次君

謂敏齋世丈

借入絲綸閣宿草追思情緒惡可堪故舊

半周零問余何日收帆泊五年兩度登樵山等閒不敢

遊興作探梅夜渡

李譽補風

劇風雅後四十載披圖讀巖崩

瘞鶴聞轟雷集鳳久已無高臺枕江

閣

吸江

樓

近時補

山靈卻喜生面開二老鼓勇郎官從

見遊記

長歌首倡司

寇公孝廉嬰鑠豪猶昔鎮日看山不倚筇參苓往者歸

薰陶耆年獲侶羊求曹零縑斷楮若球璧感恩白髮頻

爲搔雙輪那倩東風吹仲秋前夕驩銜杯

謂去年之遊

寄書

預約王肥上

謂謙齋

攜手飽看紅葉來

錢烈婦挽詩

胡家有女弱可矜曲阿避兵到廣陵哀哉阿耶復死賊

伶仃孑然惟一身笄氏撫之于歸錢氏孝敬無違堂上
姑喜郎君作鹽官賴婦奉甘旨嗟嗟夫病久不瘳虺蛇
入夢聊紓憂女甫周晬竟孤露同穴詎能期白頭四月
初六日從容視含歛母來姑啼強顏相勸有婦代養親
勿以兒爲念於戲烈婦之心堅於金石烈婦之操貞猶
松柏事夫四載年十九以身殉夫何勇決距夫之死屢
三日閉門仰藥人罕知從夫地下甘如飴有妹侍母求
姑撫兒彌留之際侃侃陳辭噫吁嘻斷髮截耳無茲忍
具牘亟向上官請節烈可風聞諸朝綽楔千秋立標
準更謀助賻返九棺願以里歌當墮引

海琴壽芝圖爲時卿 裕麟 中丞題時寓邗上

呼靈曰蠢

君以蠢生名芝

芝儷菌黝然以光宛然圖

海琴記昨中語

過寓齋見此本告我得芝病霍然寫圖者誰息柯居士

以壽林初

君之別號

記緣起萬石山人

廷芳字

登祁山與芝結

緣在夢裏芝平芝平願盼卽入甘泉宮三十六品讓汝

雄作八州督今髯翁長生安樂顏如童底須跋履瓊田

中

又爲時卿題鍾進士像

湖南攸縣令王式杜元凱於同治庚午年壬午月庚

午日壬午時爲賀竹

泉寫竹泉轉以贈君

藍袍脫却換朱襦肯向終南捷徑趨妙挽通靈重午節

名家仿古十三圖

金冬心記吳道子以下凡十三圖

真能捉鬼蒲爲劍

翻笑搏泥艾作鬚畢竟天師翰進士威嚴豈仗避兵符

吳公臺下陪宮人趙幼芳豕歌同叔起作

吁嗟乎積土八千石植松百五十株相公修復皇墓墩

見阮文達修揚帝陵記

不知尙有小女子以身捍帝捐其軀忍哉

虔通與行達幅巾短衣氣爲奪史臣大書許善心伴死

貞魂乃埋沒往日追隨清夜遊侵尋全去上迷樓可憐

西苑數千騎獨汝留名在玉鈎流珠堂上悲風起四品

夫人紛散矣我后歸來妾不孤

貞觀二十二年太宗詔復蕭后位號使護送至

江都合葬

相看無復好頭顱嗚呼四烈墓七姬冢入志乘千

秋重早秋驅馬到雷塘一抔更比桃花香

桃花墓在桃花岡隋時所築

題朱文正公文稿後

乾隆四十五年 七旬聖壽進呈睿繹一篇稿
本爲阮賜卿太守所藏文達公書跋於後一時
文正門下士湯敦甫吳荷屋白小山史望之毛
芾村張小軒朱茱堂陳厚甫宋湘颺胡書農諸
先生皆有題識道光癸卯三月不戒於火以爲
是卷已付鬱攸迨辛酉冬賜卿宦楚北云爲文
正之曾孫沛之明府得於京師厥肆遂復歸諸

故主賜卿返揚州出以見跡敬賦里言綴名簡
末

仰止知足齋慨慕學經室典刑垂不朽卓犖大手筆許
鄭景純學淵源富經術相如子雲文吐詞皆麗則吾師

能兼之唯公道得出

見文達跋

千三百餘字摹天而繪日才

華有根柢古拙見本色

文達跋云乾隆間諸先輩書法皆甚古拙

祝誦不爲

災廿年償所失鬼神與阿護師儒傳楷式藏之文選樓
瓌寶信無匹

子嚴讀題襟館唱和集作長歌屬爲轉示蓮舟蓮

溪兩僧次韻報之

放下屠刀劇明黯閉關不聞鈴棧園舟公廬有鐵門限
運大神通何儒偕安吳一派得三昧瀟灑臨池離垢坵
於今北魏世宗尙專取險怪避庸夏溪公更誇繪事精
妙哉造化窟巧刮近師石谷全南田遠仿黃筌泉李察
方外居然成作家墨三信可敵儒八一觀攻城鷲鶴整
一窺在穴虎狼竄重安筆硯伴經魚仍著袈裟棄矛鍛
題襟前歲記銷夏竹挂銀蟾柳嘶蛩苦思恍聽僧敲門
泥飲奚妨客投轄大開壇坵集敦槃合奏笙鏞震控榻
要從離伽書演純陀妙義也怪底不平露礮礮或如海沸
騰蛟虬或如山搖走羆貍旃檀林裏挺檟楹枳棘叢中

茂蘿菝麻姑有時饜倩搔參軍偏道盲騎瞎雜連苦連

任嘲諷差喜未曾收惡札江干詩友倏過歸嶺嶠吟朋

還憶殺

謂蕭翰恢垣

頗欲退院行打包那堪鈍馬鞭利鏃偷

閒且去訪琴聰焚香爲我七絃拈

蓮溪之弟子善鼓琴

種蕉老衲

煩見招

蓮舟外尚有海雲善書

偕陟焦巖泛澎汎枕江閣上共結

社

芥航亦能詩

歌聲引起蛩聲滑再傳幾縛

卷也

口頭禪三牟

提耶

集也

爭印刷須知瓶鉢真逍遙匪比冠裳互磨軋語

言文字墮下乘夜哭鬼猶怨蒼頡端州書到秋暑盡側

耳貝多風塵搗教人夢想璇璣臺攜榼登山事煨茁從

此因緣締香火白首扶筇過雙刹

子嚴將再充鄉試提調聞夏伯音家鎬通政典試

粵東喜以詩賀次韻寄子嚴兼懷伯音

聞道煎茶追玉局高歌渾忘夜沈沈庚午子嚴刊揭來

再筦重開輪料得能調六轡琴兄弟楚庭愁判袂庚午

羊城與子嚴小聚旬日子嚴與樵雲友朋邗水繫離心子嚴與樵雲

懷子嚴入關子遂登舟桃源村裏耽歸隱謂樵雲北望任城感不禁星衛中丞

年矣

詔下銀臺玉尺攜昔年曾借上林棲君如仙驥馳雲路

我似飛鴻踏雪泥詩卷或爲當代重姓名爭羨自天

題請看南海珊瑚網光燄騰空萬丈蜺

園中遣興

客來消夏又觴秋
閨月炎涼迴不侔
日在吟窩游興嬾
未曾一泛草河舟

清簟疏簾借坐隱
要知勝敗總欣然
輸君饒有爭先著

捩柁歸烹陸子泉

謂國手
徐耀文

矮籬燦爛錦西風
秋色秋前露染濃
一語翻新堪傲古
而今不待雁來紅

惹得兒童向晚嬉
茅亭一望景迷離
垂垂作態金絲柳

風雨陰晴總合宜

扁豆爭開紫白花
葫蘆小小綴橫斜
多編鹿眼添生趣

恨少池塘兩部蛙

素心

蘭

端合比幽人
景夕相依臭味親
蔣矩亭孔繡山畫圖

無此韻誰能空谷與傳神

二知軒詩續鈔卷十五終